

JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 24 Mei 2022	
1.	Kabinet putus 5 langkah jangka pendek atasi isu bekalan, harga ayam -Eksport ayam dihenti mulai 1 Jun -Arah tanah TOL diusahakan tanaman jagung
2	Peniaga utamakan pembeli tetap, rakan
3	-Syor sedia tapak tanah skala besar tanaman bijirin -Peniaga terpaksa naikan harga menu berasas ayam
4	Lindungi penternak, petani mikro susulan mansuh AP makanan
5	Kerajaan henti eksport 3.6 juta ekor ayam -Henti eksport ayam
6	121 kompaun dikeluarkan kepada peniaga ayam
7	Tiada kompromi, kerajaan bertindak -77% setuju boikot beli ayam -Jagung, hampas isirung jadi alternatif makanan ayam -Henti eksport ayam
8	Eksport Ayam dihentikan
9	-Selesaikan dulu masalah penternak -Tanam jagung bijiran perlu skala besar -Lima juta ayam sebulan -Nafas
10	Kenaikan harga makanan sehingga RM1 -Pemain industri usah ' main ' harga tambah beban rakyat -Guna ' kabel ' buat tempahan -Bekalan bahan makanan mencukupi -Dakwa ada ternakan sakit di ladang -Stok ikan, ayam di pasar basah terhad -Harga makanan naik RM1 -Rumah terbuka faktor ayam habis -Jamin terus pembekalan -Kerajaan diminta beri perhatian serius -Bantu penternak kembangkan industri



Kabinet putus 5 langkah jangka pendek atasi isu bekalan, harga ayam

Wadah Pembaharuan
BH
Berita Harian

Diterbit sejak 1957 www.bharian.com.my

VETERINAR (2ND FLR)

- Henti eksport 3.6 juta ayam sebulan bermula 1 Jun sehingga harga dan pengeluaran ayam kembali stabil
- Wujudkan stok penimbal ayam dan mengoptimumkan fasiliti penyimpanan bilik sejuk milik MAFI dan agensi
- Mansuh AP ayam termasuk ayam bulat bagi tingkatkan peluang pengimport sediakan lebih banyak sumber bekalan
- Permudahkan proses tuntutan subsidi oleh pengeluar ayam
- Tambah dan iktiraf loji sembelihan di luar negara bagi tingkatkan bekalan ayam

Nasional 2

Eksport ayam dihenti mulai 1 Jun

Langkah antara 5 pendekatan segera atasi kekurangan bekalan di pasaran

Oleh Rafidah Mat Rizki dan Nor Azizah Mokhtar
bhnews@bh.com.my

Putrajaya: Pemberhentian eksport 3.6 juta ayam sebulan bermula 1 Jun ini adalah di antara lima pendekatan segera jangka pendek diumumkan kerajaan semalam, dalam usaha mengatasi isu kekurangan bekalan bahan makanan itu, kata Datuk Seri Ismail Sabri Yaakob.

Perdana Menteri menegaskan, tindakan tersebut diputuskan mesyuarat Kabinet semalam yang akan berkuat kuasa sehingga harga dan pengeluaran ayam tempatan, kembali stabil dengan memberi keutamaan kepada memenuhi keperluan rakyat negara ini.

Beliau berkata, selain menghentikan eksport ayam terbahit, kerajaan juga akan mewujudkan stok penimbun ayam dan mengoptimalkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensi kerajaan yang lain.

"Kerajaan mengambil berat dan memandang serius terhadap isu peningkatan harga dan bekalan ayam semasa yang menghipnotis seluruh Keluarga Malaysia.

"Kerajaan kesal dan kecewa

terhadap tindakan beberapa syarikat yang menghentikan bekalan ayam sehingga menyebabkan berlakunya peningkatan harga dan kekurangan bekalan di pasaran," katanya dalam kenyataan media selepas mempengerusikan mesyuarat itu semalam.

Mesyuarat Kabinet yang lazimnya diadakan pada Rabu setiap minggu, dipercepatkan kepada semalam bagi membincangkan isu membabitkan kos sara hidup yang dijangka meningkat.

Ketika mesyuarat semalam, Kementerian Perdagangan Dalam Negeri dan Hal Ehwal Pengeluaran (KPDNHEP) dan MAFI diarah mengemukakan pelan mengatasi isu ayam, peningkatan harga barang dan kos sara hidup.

Perdana Menteri berkata, pemansuhan permit import (AP) ayam termasuk ayam bulat dan keratan berkuat kuasa minggu lalu, bertujuan meningkatkan peluang pembabitkan pengimport untuk menyediakan lebih banyak sumber bekalan.

"Kerajaan juga akan menambah dan mengiktiraf loji sembelihan di luar negara bagi meningkatkan pengeluaran bekalan ayam.

"Selain itu, proses tuntutan subsidi oleh pengeluar juga akan dipermudahkan. Bagaimanapun, kerajaan dapati hanya RM50 juta subsidi sudah dibayar kepada penternak, yang kebanyakannya adalah syarikat kecil," katanya.

Beliau berkata, kerajaan mendapati beberapa syarikat besar pengeluar ayam pula tidak berminat memohon subsidi disediakan itu, sebaliknya mahu kerajaan membiarkan har-

Kerajaan kesal dan kecewa terhadap tindakan beberapa syarikat menghentikan bekalan ayam sehingga berlakunya peningkatan harga dan kekurangan bekalan di pasaran



Ismail Sabri Yaakob, Perdana Menteri



Bekalan ayam mentah sukar diperolehi menyebabkan rata-rata peniaga menaikkan harga runcit ayam. (Foto BERNAMA)

ga ayam ditentukan sendiri oleh pasaran.

"Ketika ini, kerajaan menetapkan harga siling ayam standard pada harga RM8.90 sekilogram dengan pemberian subsidi sebanyak RM729.43 juta mengikut Skim Kawalan Harga Keluarga Malaysia (SKHKM) yang dilaksanakan sejak 5 Februari lalu," katanya.

Ismail Sabri berkata, Peguam Negara juga dipanggil menghadiri mesyuarat semalam juga menasihatkan Kabinet menguatkuasakan Akta Kawalan Bekalan 1961 (Akta 122) terhadap sebarang aktiviti menyorok, menyimpan atau unsur-unsur sabotaj terhadap bekalan ayam.

Katanya, tindakan boleh diambil mengikut akta berkenaan dan lesen mereka yang terbahit dengan perbuatan itu juga boleh

dibatalkan serta merta.

"Kerajaan meminta MAFI dan KPDNHEP melakukan pematanaan dan pemeriksaan serta mengambil tindakan tegas terhadap mana-mana pihak yang melanggar Akta Kawalan Bekalan 1961 (Akta 122) dan (Peraturan-Peraturan Kawalan Bekalan 1974).

"Mengikut akta itu, penalti bagi individu adalah denda tidak melebihi RM1 juta atau penjara sehingga tiga tahun atau kedua-dua sekali, manakala perbadanan dan syarikat boleh didenda sehingga RM2 juta," katanya.

Isu kekurangan bekalan ayam meruncing pada hujung minggu lalu apabila ada syarikat pengeluar ayam bertindak tidak mengeluarkan ayam ke pasaran menyebabkan kekurangan bekalan ketika umat Islam masih lagi merayakan Aidilfitri sepanjang Syawal.

BH sebelum ini melaporkan, sesetengah peniaga ayam di Pasar Borong Selangor di sini, mengambil inisiatif mencari dan membeli ternakan itu daripada penduduk kampung untuk jualan pada Sabtu lalu, manakala ada juga terpaksa menutup perniagaan disebabkan kekurangan bekalan.

Pengusaha industri mendakwa, penternak ayam seluruh negara menghadapi tumbesaran ternakan akibat cuaca kering kerana lambat mencapai berat matang yang sesuai untuk dipasarkan.

Masalah itu dijadikan alasan beberapa syarikat pengeluar menghentikan operasi pengeluaran, sekali gus bekalan dijangka terjejas sekurang-kurangnya untuk tempoh sebulan lagi.

Arah tanah TOL diusahakan tanaman jagung

Kuala Lumpur: Kerajaan negeri, agensi kerajaan dan syarikat berkaitan kerajaan (GLC) diarah menyediakan tanah Lesen Kependudukan Sementara (TOL) untuk penanaman jagung sebagai usaha jangka panjang menjadi alternatif kepada makanan ayam.

Perdana Menteri, Datuk Seri Ismail Sabri Yaakob, berkata keputusan itu berdasarkan pandangan yang diterima daripada Ahli Jemaah Menteri berkaitan penanaman jagung dan penggunaan hampas isirung kelapa sawit (PKC) untuk menjadi alternatif kepada makanan ayam.

"Kementerian Pertanian dan Industri Makanan (MAFI) dan Kementerian Perdagangan Da-

lam Negeri dan Hal Ehwal Pengeluaran (KPDNHEP) diminta membentangkan pelan terbahit dalam masa terdekat bagi projek penanaman jagung dan sebagainya.

"Kerajaan turut menggalakkan GLC, agensi kerajaan, Pertubuhan Peladang dan Koperasi untuk turut terbahit dalam penternakan ayam," katanya dalam kenyataan, semalam.

Kenyataan itu susulan mesyuarat Kabinet yang diawalkan bagi membolehkan kerajaan membincangkan mengenai kos sara hidup termasuk berkaitan isu bekalan ayam.

Katanya, kerajaan akan mengkaji dari segi bantuan kepada mereka yang terbahit dan ia ada-

lah sebahagian pelan jangka sederhana dan jangka panjang yang akan dirangka oleh MAFI dan KPDNHEP.

Dalam pada itu, Ismail Sabri berkata susulan daripada pengumuman beliau berkaitan pembatalan permit import (AP) bahan makanan, Kabinet semalam bersetuju untuk turut membatalkan AP gandum.

"Semua kementerian juga diminta menyenaraikan AP bagi barangan lain yang boleh dimansuhkan untuk menjaga kepentingan pengguna Keluarga Malaysia.

"Saya ingin menegaskan bahawa kerajaan tidak akan berkompromi dengan mana-mana pihak yang cuba menjejaskan

kehidupan rakyat," katanya.

Sehubungan itu, katanya beliau memohon agar Keluarga Malaysia menyokong tindakan yang dilakukan oleh pihak kerajaan demi menjaga kepentingan rakyat yang terhimpit dengan peningkatan harga dan kos sara hidup serta kekurangan bekalan.

Sementara itu, katanya Suruhanjaya Persaingan Malaysia (MyCC) sedang menjalankan siasatan berhubung laporan wujud kartel yang mengawal harga dan pengeluaran ayam dalam kalangan syarikat besar.

Ismail Sabri berkata, kerajaan sedar mengenai laporan berkenaan dan siasatan yang sedang dijalankan MyCC berkaitan per-

kara itu dijangka selesai pada Jun ini.

"Jika didapati wujud kesepakatan kartel itu, kerajaan akan mengambil tindakan undang-undang terhadap mereka.

"Pada masa yang sama, kerajaan akan mengurangkan peranan orang tengah yang selama ini memanipulasi bekalan dan harga," katanya.

Tambah Ismail Sabri, kerajaan juga akan memperkenalkan semula Jihad Memerangi Orang Tengah yang diperkenalkan oleh beliau sendiri pada tahun 2014.

"Pertubuhan Peladang Kebangsaan (NAFAS) diberikan peranan untuk mengetahui Jihad Memerangi Orang Tengah ini," katanya.

Isu ayam dan harga barang

Peniaga utamakan pembeli tetap, rakan

Orang ramai terus sukar peroleh bekalan ayam, terpaksa beratur panjang

Oleh Asrol Awang, Noorazura Abdul Rahman, Samadi Ahmad, Ahmad Hasbi dan Ercy Gracella Ajos
bhnews@bh.com.my

Kuala Lumpur: Orang ramai sukar mendapat bekalan ayam kerana peniaga mendahulukan pelanggan tetap seperti restoran dan rakan-rakan mereka.
Tinjauan di Pasar Basah Datuk

Keramat di sini, mendapati peniaga akan terus mengutamakan peniaga restoran jika kekurangan bekalan ayam berlarutan.

Peniaga ayam, Rosli Mat, 51, berkata bekalan ayam segar yang diperoleh daripada pembekal hanya mampu dijual kepada pembeli tetap.

"Kalau ada lebihan ayam segar pun, hanya dalam 20 ekor dapat dijual kepada pelanggan biasa," katanya.

Di Seremban, segelintir kakitangan pasar raya mengambil tempahan daripada pelanggan tanpa pengetahuan majikan.

Itu cara mudah membabitkan pengusaha kedai makan dengan menggunakan 'orang dalam' bagi mendapatkan bekalan ayam tanpa perlu berbaris panjang di pasar.

Seorang pekerja pasar raya

yang enggan dikenali berkata, kakitangan terbabit mendapat 'duit tepi' daripada pelanggan berkenaan, selain ada juga kakitangan melakukannya secara percuma atas dasar setia kawan.

"Orang lain terpaksa beratur panjang untuk membeli ayam, namun pelanggan ini boleh datang pada waktu tengah hari dan ada ayam yang sudah tersedia," katanya.

Di Kuantan, peniaga merayu agensi kerajaan menyelesaikan segera kekurangan bekalan ayam kerana mereka terputus sumber pendapatan.

Peniaga ayam di Pasar Taman Tas, Zakaria Md Nadzir, 52, berkata kekurangan bekalan menjejaskan pendapatannya ketika permintaan ayam meningkat.

"Minggu lalu, saya terputus bekalan ayam dua hari. Pada masa

sama, tempahan ayam hanya diterima pula hanya separuh," katanya.

Di Sik, Kedah, bekalan ikan dan ayam di pasar basah sangat terhad menyebabkan peniaga sukar untuk menampung permintaan pelanggan.

Peniaga ayam, Salehuddin Ibrahim, 40, berkata beliau tidak mampu memenuhi semua permintaan pelanggan, selepas bekalan ayam yang diperoleh daripada pemborong juga terhad.

"Seminggu sebelum hari raya, permintaan ayam sangat tinggi tapi saya tidak dapat bekalan yang mencukupi. Hari ini contohnya, saya tempah 200 ekor ayam tapi yang saya dapat cuma 100 ekor ayam," katanya.

Di Putrajaya, peniaga ayam Pasar Awam Presint 8, Mohd Nadzri Ahmadi, 42, berkata ke-

kurangan bekalan ayam menyebabkan beliau terputus sumber pendapatan kerana bergantung sepenuhnya kepada perniagaan itu.

Katanya, sejak mengusahakan perniagaan itu pada 2001, ini kali pertama beliau berdepan situasi itu sehingga tidak memperoleh keuntungan.

Pengerusi Persatuan Peniaga Pasar Awam Presint 8, Sukaimi Selamat, 54, pula berkata kerajaan perlu mengkaji semula harga siling ayam RM8.90 sekilogram kerana membebaskan peruncit.

Katanya, harga yang diterima peruncit kadangkala melebihi harga yang ditetapkan kerajaan dan pihak yang bertanggungjawab perlu menyasat, sebelum mengenakan tindakan kepada peruncit dan peniaga.



Peniaga memotong ayam yang dipesan pembeli di Pasar Datuk Keramat, Kuala Lumpur, semalam. (Foto Fathil Asri/)

Syor sedia tapak tanah skala besar tanaman bijirin

Putrajaya: Kerajaan digesa menyediakan tapak tanah secara besar-besaran bagi penanaman bijirin secepat mungkin dengan membabitkan semua kerajaan negeri supaya dapat mengurangkan kebergantungan kepada import.

Setiausaha Agung DAP, Anthony Loke, berkata berikutan ayam sumber makanan utama kepada semua lapisan masyarakat dalam kalangan rakyat Malaysia, kerajaan perlu bertindak segera untuk memastikan bekalan ayam di pasaran sentiasa mencukupi dengan menyelesaikan masalah tekanan kos dalam kalangan penternak dengan segera.

Beliau berkata, keputusan kerajaan membatalkan syarat permit kebenaran (AP) untuk mengimpor bahan makanan ia bukan formula *silver bullet* atau penyelesaian untuk semua masalah yang akan menyelesaikan masalah kenaikan harga barang makanan dan memastikan bekalan tidak terputus.

"Apa yang perlu difahami, setiap negara sedang bergelut dengan masalah keselamatan makanan domestik masing-masing. "Negara pengeluar utama akan memberikan tumpuan kepada keperluan mereka sendiri terlebih dahulu.

"Tambahan pula, dengan nilai ringgit yang lemah, maka sebarang import makanan daripada negara lain membabitkan harga belian yang lebih tinggi," ka-

tanya dalam satu hantaran melalui media sosial, semalam.

Anthony berkata, pada masa sama, kerajaan perlu menyemak semula kadar subsidi RM0.60 sekilogram yang diberikan kepada penternak ayam, supaya ia selari dengan tekanan peningkatan kos dedak yang terlalu tinggi.

Katanya, bantuan subsidi itu juga perlu dilaksanakan tanpa kerena birokrasi dan disalurkan kepada penternak dengan segera.

"Isu bekalan ayam terputus yang berlaku beberapa hari ini di seluruh negara tidak seharusnya berlaku dan kegagalan kerajaan menangani isu ini tidak boleh diterima sama sekali.

"Kekurangan bekalan ayam dipercayai berpunca daripada pengeluaran yang berkurangan daripada penternak disebabkan tekanan kos dedak ayam yang terlalu tinggi.

"Walaupun Kementerian Pertanian dan Industri Makanan menyediakan peruntukan RM528.52 juta untuk pemberian subsidi RM0.60 setiap kilogram, kadar ini perlu disemak semula selari dengan tekanan kos dedak yang terlalu tinggi."

Beliau yang juga Ahli Parlimen Seremban berkata, DAP berpendirian bahawa dasar menetapkan harga siling untuk ayam sebagai barang kawalan perlu diteruskan memandangkan masalah kos sara hidup semakin tinggi menjadi tekanan hidup paling besar untuk kebanyakan rakyat.



Anthony Loke

Isu ayam dan harga barang



Mazlan Ibrahim menyiapkan tempahan nasi ayam Hainan diusahakannya di Ampangan yang turut berdepan kekurangan bekalan ayam di pasaran. (Foto Azrul Edham/BH)

Peniaga terpaksa naikkan harga menu berasas ayam

Pengusaha restoran dakwa kena bayar kadar mahal kerana bekalan ternak terhad

Oleh Suraya Roslan
bhnews@bh.com.my

Kuala Lumpur: Menu makanan berasaskan ayam, kini menerima tempas kesan kekurangan bekalan sumber protein itu apabila barangnya mula dinaikkan peniaga dengan alasan mereka terpaksa membayar kadar mahal terhadap bekalan yang diterima. Berdasarkan kenaikan harga bekalan yang diterima itu, pengusaha gerai dan restoran kini mengambil langkah menaikkan harga menu makanan berasaskan ayam antara 50 sen dan RMI bagi setiap hidangan.

Bagi pemilik restoran di Puncak Jalil, Selangor ini yang mahu dikenali sebagai Aiman, 39, ber-

kata setakat ini dia menerima bekalan dari kilang penyembelihan ayam di Fuchong.

"Jika saya ambil daripada pembekal, bekalan diterima sangat terhad kerana mereka tidak boleh membekalkan 80 ekor ayam seperti diperlukan setiap hari. "Nasib baik saya dapat bekalan terus dari kilang penyembelihan, walaupun perlu membayar pada harga RM9.30 sekilogram," katanya.

Justeru, katanya, dia tiada pilihan, selain daripada menaikkan harga makanan berasaskan ayam yang dijual untuk menampung kos.

"Jika dahulu nasi ayam dijual dengan harga RM7.50 sebungkus, saya terpaksa menaikkan kepada RMI5 sekarang.

"Begitu juga menu lain yang menggunakan ayam, nasib baik rata-rata pelanggan faham tindakan ini," katanya.

Pengusaha restoran nasi ayam dekat Bandar Tasik Permaisuri, Cheras, Mastura Jamil, 40, berkata berikutan masalah bekalan yang terhad, dia juga terpaksa mengurangkan kuantiti jualan sejak beberapa hari yang lalu.

Katanya, jika sebelumnya, dia dapat menjual 1,000 bungkus nasi

ayam sehari, namun sejak beberapa hari lalu kekurangan bekalan diterima menyebabkan jualan setakat 500 bungkus sahaja.

"Ini disebabkan jumlah ayam yang kami dapat daripada pembekal hanya 50 ekor sahaja, berbanding sebelum ini lebih 200 ayam sehari.

"Selain bekalan kurang, harga ayam juga naik dengan mendadak menyebabkan kami sebagai peniaga kedai makan terpaksa menaikkan harga jualan nasi demi kelangsungan hidup," katanya.

Sementara itu, peniaga restoran di Jalan Pantai Baharu, Ail Syed Mohd, 54, mengakui setakat ini bekalan ayam diterima untuk kedai makannya masih ada, namun bekalan makin sukar diperolehi.

"Perkara ini memang merungutkan kami sebagai peniaga restoran kerana ayam menjadi antara menu utama pilihan pelanggan.

"Sukar untuk kami berniaga tanpa bekalan ayam mencukupi. Jika berlaku perbezaan ketara, sukar untuk kami mengenaikan harga sedia ada melainkan menaikkan harga jualan," katanya.

Lindungi penternak, petani mikro susulan mansuh AP makanan

• Pemansuhan AP buka peluang sama rata peniaga bakal bahan makanan

• Harga barangan dijangka lebih stabil kerana tutup monopoli pasaran makanan

• Sumber pendapatan petani, penternak sara diri mungkin terjejas



Oleh Dr Umi Hamidaton Mohd Soffian Lee
bhrcana@bh.com.my

Dalam usaha memastikan bekalan makanan negara mencukupi, Perdana Menteri, Datuk Seri Ismail Sabri Yaakob membuat keputusan berani dengan memansuhkan permit import (AP) bahan makanan berkuat kuasa serta-merta.

Selajar tindakan drastik kerajaan ini, Kementerian Pertanian dan Industri Makanan (MAFI) dipertanggungjawabkan mengemukakan cadangan jangka pendek dan panjang. MAFI perlu memastikan tindakan kerajaan dilaksanakan sebaiknya supaya semua aktiviti pengeluaran, pemrosesan, pengedaran, penyediaan dan keselamatan makanan dipantau rapi, sekali gus tidak menjejaskan hak pengguna.

Malah semalam, mesyuarat Kabinet yang biasanya diadakan setiap Rabu, dipercepatkan kepada semalam, khusus bagi membincangkan isu bekalan bahan makanan mentah, termasuk ayam.

Kelulusan kuota AP membolehkan pengeluaran pertanian perlu mendapatkan kelulusan pihak berwajib kerana jumlah kuota import diluluskan berdasarkan keperluan negara semasa dengan mengambil kira kuantiti pengeluaran tempatan dan keluaran pertanian ditambah nilai untuk eksport.

Pemansuhan AP diumumkan kerajaan itu membolehkan komoditi agro makanan tertentu seperti kubis bulat, kelapa tua biji, ayam (keratan ayam dan ayam bulat) dan susu cair.

Namun, bagi makan rui rakyat Malaysia seperti beras pada masa ini, permohonan kuota import hanya dibuka kepada Padiberas Nasional Berhad (BERNAS) sahaja sebagai pengimport tunggal berdasarkan perjanjian konsesi ditandatangani bersama kerajaan.

Terdapat implikasi positif dan negatif dikesan apabila kerajaan memansuhkan AP dalam sektor makanan. Implikasi positif adalah ia bakal membuka ruang kepada persaingan dalam pasaran terbuka. Ia dijangka membantu meningkatkan sumber makanan tempatan, menurunkan kos barang import, selain usahawan tempatan berpeluang meningkatkan daya saing di peringkat global dan menjadi penggerak utama dalam pasaran antarabangsa.

Langkah kerajaan ini membebaskan ruang kepada sesiap sahaja mengimport makanan ke negara ini, tidak hanya terhad kepada pihak tertentu.

Selain itu, harga barangan dijangka lebih stabil dan murah kerana akan membanteras 'permainan' harga pemilik AP tidak bertanggungjawab dan mengurangkan kuasa monopoli terhadap pasaran makanan pihak tertentu.

Ia juga memberikan peluang sama rata kepada

peniaga untuk membekalkan bahan makanan.

Langkah ini dijangka dapat mengawal krisis makanan mungkin berlaku susulan masalah inflasi, kenaikan harga minyak, cuaca ekstrem, pandemik COVID-19 serta konflik Russia-Ukraine.

Dalam aspek jaminan sekuriti makanan ditawarkan, walaupun AP tidak lagi diperlukan untuk membawa masuk komoditi agro makanan tertentu dari luar negara, pengimport masih perlu mempunyai kelulusan import (PI) bagi tujuan kawalan biosekuriti di pintu masuk negara.

Ia bagi memastikan proses pemantauan dan pengukuasaan dapat dilakukan terhadap kualiti barang makanan supaya memenuhi standard serta piawain ditetapkan.

Tambahan lagi, sekuriti makanan adalah isu teras untuk diketengahkan memandangkan masyarakat memerlukan sumber makanan seimbang bagi men-

AP barang makanan memerlukan kajian terperinci terlebih dulu terutama aspek keperluan dan jenis barangan terbahit.

Sebelum ini AP turut diperlukan untuk mengimport pelbagai buah-buahan tempatan seperti mangga, kelapa dan betik yang mana turut diusahakan petani tempatan.

Pada 2020, Malaysia mengimport makanan dari negara pengeluar hingga RM55 billion. Namun, tidak dinafikan sebahagian besar bekalan makanan domestik negara berasal dari sektor pertanian dan penternakan tempatan.

Sektor primer ini diusahakan petani kecil bergantung penuh kepada pengeluaran dan permintaan domestik negara untuk memperoleh sumber pendapatan untuk meneruskan kelangsungan hidup.

Pemansuhan AP sedikit sebanyak dilihat bakal memberi impak besar kepada sektor pertanian dan penternakan tempatan apabila mereka perlu bersaing dengan lambakan produk import pada masa depan.

Kesediaan ini akan mengugut sumber pendapatan golongan petani tempatan atau mengantikan aktiviti pertanian dan penternakan sara diri.

Sektor pekerjaan dikuatir turut terjejas apabila industri pertanian dan penternakan tempatan bakal tutup atau gulung tikar akibat pertukaran model perniagaan beralih kepada model perniagaan bergantung kepada alternatif import sepenuhnya.

Kerajaan perlu meningkatkan kapasiti pengeluaran makanan petani, nelayan dan penternak domestik demi menjamin kelangsungan rantaian makanan.

Pakar ekonomi dari Malaysia University of Science and Technology, Geoffrey Williams, berkata Malaysia masih mengimport 60 peratus keperluan makanan dan ia akan terus berlanjutan sekiranya inisiatif penambahbaikan tidak dilaksanakan.

Kebergantungan luar ini dikuatir menjadi lebih teruk memandangkan negara masih bergantung kepada negara lain untuk memenuhi sumber keperluan makanan negara.

Menurut statistik, pada 2019, Malaysia hanya menghasilkan 46 peratus sayur-sayuran, beras (70 peratus), buah-buahan (61 peratus), daging (25 peratus) dan daging kambing (11 peratus).

Seandainya, keadaan kebergantungan masih berterusan, kesediaan Malaysia dalam memastikan soal keselamatan makanan dilihat semakin parah dan usaha berterusan perlu segera dilaksanakan.

Selain itu, implikasi pemansuhan AP turut menyumbang kepada punca kenaikan harga barang makanan mungkin membebaskan pengguna terutama berpendapatan rendah.

Contohnya, apabila harga makanan di peringkat antarabangsa meningkat, harga makanan Malaysia juga naik kerana nilai import perlu ditanggung pengimport. Tambahan lagi, nilai ringgit rendah kini turut menjadikan harga barang import termasuk makanan menjadi lebih mahal.

“Kerajaan perlu meningkatkan kapasiti pengeluaran makanan petani, nelayan dan penternak domestik demi menjamin kelangsungan rantaian makanan”

dapatkan tenaga dan nutrien.

Makanan baik bukan sahaja mengambil kira kandungan zat, bahkan menyentuh aspek kandungan kimia dan biologi makanan dalam pasaran.

Justeru, Kerangka Sekuriti Makanan Negara (KSMN) dibentuk untuk memastikan pelaksanaan tahap sekuriti makanan di negara ini merangkumi empat komponen utama, iaitu ketersediaan (*availability*); akses (*accessibility*); penggunaan (*utilization*) serta kestabilan dan kemampunan (*stability and sustainability*).

Selajar tanggungjawab sosial kerajaan terhadap keperluan dan kesihatan rakyat dalam isu sekuriti makanan, pemantauan berkala dan berterusan perlu dilaksanakan bagi memastikan isu ini ditangani dengan baik dan tidak wujud pertikaian pada masa depan.

Namun, pemansuhan AP memberi impak tertentu kepada sektor pertanian tempatan terutama golongan petani skala kecil untuk kekal bersaing dengan pengeluaran produk import bakal dibawa masuk ke negara ini.

Bekas Menteri Kewangan II, Datuk Seri Johari Abdul Ghani menganggap keputusan memansuhkan

Sidang Redaksi

Pemangku Pengarang Kumpulan
DATUK AHMAD ZAINI KAMARUZZAMAN
madzaini@mediaprima.com.my

Pengarang Eksekutif Kandungan & Digital
M THILINADAN
thilly@bh.com.my

Pengarang Eksekutif Pengeluaran
AZHAR A SAMAH
azhara@bh.com.my



Kerajaan henti eksport 3.6 juta ekor ayam

MESYUARAT Kabinet semalam memutuskan beberapa langkah bagi menangani isu bekalan dan harga ayam termasuk menghentikan pengeksportan ayam sebanyak 3.6 juta ekor sebulan bermula 1 Jun ini sehingga harga dan pengeluaran ternakan itu kembali stabil.

» BERITA DI MUKA 4



KERAJAAN menghentikan eksport ayam kerana mengutamakan bekalan untuk rakyat. — GAMBAR HIASAN

Kerajaan utamakan bekalan untuk rakyat

Henti eksport ayam

Oleh AHMAD SHAHERMAN SHAMSURI

PETALING JAYA - Kerajaan mengarahkan supaya menghentikan eksport ayam sebanyak 3.6 juta ekor sebulan bermula 1 Jun ini bagi mengatasi kekurangan bekalan ayam ketika ini.

Perdana Menteri, Datuk Seri Ismail Sabri Yaakob berkata, langkah itu diambil sehingga harga dan pengeluaran ayam kembali stabil dan keutamaan bekalan ini ketika ini hanya untuk rakyat.

Menurut Ismail Sabri, kerajaan juga akan mewujudkan stok penimbal ayam dan mengoptimalkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) serta agensi di bawahnya.

"Kerajaan turut bersetuju memansuhkan permit import (AP) ayam termasuk ayam bulat dan keratan ayam bertujuan me-



ningkatkan peluang penglibatan pengimport untuk menyediakan lebih banyak sumber bekalan.

"Pada masa sama, kerajaan akan mempermudah proses tuntutan subsidi oleh pengeluaran ayam serta menambah dan mengiktiraf loji sembelihan di luar negara bagi meningkatkan pengeluaran bekalan ayam," katanya dalam satu kenyataan di sini semalam.

Mengulas lanjut, Ismail Sabri berkata, kerajaan sedar terdapat laporan bahawa wujud kartel

yang mengawal harga dan pengeluaran ayam dalam kalangan syarikat besar.

Katanya, Suruhanjaya Persekitaran Malaysia (MyCC) sedang meniasat perkara ini dan siasatan dijangka selesai pada bulan Jun ini.

"Jika didapati wujud kesepakatan kartel tersebut, kerajaan akan mengambil tindakan undang-undang terhadap mereka,"ujarnya.

Pada masa yang sama, kerajaan akan mengurangkan peranan orang tengah yang selama ini memanipulasi bekalan dan harga.

"Kerajaan akan memperkenalkan semula Jihad memerangi orang tengah yang telah saya perkenalkan pada tahun 2014.

"Pertubuhan Peladang Kebangsaan (Nafas) diberikan peranan untuk mengetuai Jihad Memerangi Orang Tengah ini," katanya.

121 kompaun dikeluarkan kepada peniaga ayam

JOHOR BAHRU – Kementerian Perdagangan Dalam Negeri dan Hal Ehwal Pengguna (KPDNHEP) Johor mengeluarkan 121 kompaun bernilai RM101,300 sejak 5 Februari lalu ekoran penguatkuasaan Penentuan Harga Maksimum Bagi Ayam dan Telur.

Pengarahnya, Mohd. Hairul Anuar Bohro berkata, dalam tempoh itu pihaknya telah memeriksa 4,487 premis melibatkan 4,321 pemeriksaan di peringkat peruncit dan 166 pemeriksaan terhadap pemborong dan pengeluar.

Katanya, pemeriksaan dan tinjauan stok bekalan ayam juga turut dibuat di setiap peringkat rantai pengedaran bagi memastikan tiada isu terputus bekalan ayam.


"Sehingga hari ini (semalam), semua 33 aduan orang ramai yang diterima berkaitan kenaikan harga serta bekalan ayam telah selesai disiasat dan diambil tindakan di bawah Akta Kawalan Harga dan Anti Pencatutan 2011.

"Antara kesalahan dilakukan ialah gagal pamer harga jualan

dan menjual melebihi harga kawalan ditetapkan," katanya dalam kenyataan semalam.

Katanya, KPDNHEP Johor ambil maklum isu serta aduan berkaitan kedudukan bekalan serta kenaikan harga ayam terutamanya di lokasi tumpuan iaitu di pasar awam dan pasar basah sejak akhir-akhir ini.

"Seramai 200 penguat kuasa sentiasa memantau dan memeriksa agar bekalan barangan keperluan harian adalah mencukupi," jelasnya.



MOHD. HAIRUL melakukan tinjauan di sebuah premis di Johor Bahru semalam.

77% SETUJU BOIKOT BELI AYAM

MAJORITI pelayar Instagram *Sinar Harian* dalam satu tinjauan pendapat pada Isnin menyatakan kesediaan untuk memboikot membeli ayam susulan tindakan syarikat-syarikat penternak ayam menutup ladang mereka dipercayai bagi menaikkan harga sehingga menjejaskan bekalan ayam segar.

3

Jagung, hampas isirung jadi alternatif makanan ayam

SHAH ALAM - Penanaman jagung dan hampas isirung kelapa sawit (PKC) akan menjadi alternatif kepada makanan ayam di negara ini.

Isa selepas mesyuarat kabinet menerima beberapa pandangan daripada ahli jemaah menteri mengenai perkara terbabit.

Perdana Menteri, Datuk Seri Ismail Sabri Yaakob berkata, mesyuarat juga bersetuju meminta kerjasama kerajaan negeri, agensi kerajaan dan syarikat berkaitan kerajaan (GLC) untuk menyediakan tanah lesen kependudukan sementara (TOL) bagi jangka masa panjang.

"Kementerian Pertanian dan Industri Makanan (MAFI) dan Kementerian Perdagangan Dalam Negeri dan Hal Ehwal Pengguna (KPDNHEP) telah diminta membentangkan pelan-pelan tersebut dalam masa terdekat bagi projek penanaman jagung, PKC dan sebagainya," katanya dalam satu kenyataan pada Isnin.

Pengarah Institut Pertanian Tropika dan Sekuriti Makanan (ITAFoS) Universiti Putra Malaysia (UPM), Profesor Datuk Dr Zulkifli Idrus pada Mac lalu mencadangkan agar Malaysia menggunakan PKC yang diproses sebagai makanan ayam untuk menggantikan karbohidrat dalam kacang soya dan jagung.

Zulkifli dilaporkan berkata, UPM sudah memperoleh geran di bawah Kementerian Pengajian Tinggi (KPT) untuk menjalankan beberapa eksperimen bagi mengurangkan kandungan serat dalam PKC supaya sesuai untuk dijadikan makanan ayam.



ISMAIL SABRI

Langkah serta-merta tangani isu harga dan bekalan ayam

PUTRAJAYA

Malaysia menghentikan pengeksporan 3.6 juta ekor ayam sebulan berkuat kuasa 1 Jun ini.

Perdana Menteri, Datuk Seri Ismail Sabri Yaakob berkata, larangan itu dibuat sehingga harga dan pengeluaran ayam di dalam negara kembali stabil.

"Mesyuarat kabinet turut bersetuju untuk mengambil pendekatan mewujudkan stok penimbal ayam dan mengoptimalkan fasiliti penyimpanan bilik sejuk sedia ada milik Kementerian Pertanian dan Industri Makanan (MAFI) dan agensinya," katanya dalam kenyataan pada Isnin.

Menurutnya, pemansuhan permit kelulusan (AP) ayam termasuk ayam bulat dan keratan ayam baru-baru ini adalah bertujuan meningkatkan peluang penglibatan pengimport untuk menyediakan lebih banyak sumber bekalan.

"Sebagai langkah jangka pendek, mesyuarat menetapkan untuk mempermudah proses tuntutan subsidi oleh pengeluar ayam, selain menambah dan mengiktiraf loji sembelihan ayam di luar negara," katanya.

Ismail Sabri berkata, kerajaan kekal terhadap tindakan beberapa syarikat yang menghentikan bekalan ayam sehingga menyebabkan berlaku peningkatan harga dan kekurangan bekalan.

Ujarnya, harga siling ayam standard pada ketika ini adalah RM8.90

Henti eksport ayam



Kerajaan menghentikan eksport 3.6 juta ekor ayam sebulan bermula 1 Jun ini bagi menjamin bekalan untuk rakyat negara ini.



sekilogram dengan pemberian subsidi sebanyak RM729.43 juta di bawah Skim Kawalan Harga Keluarga Malaysia (SKHKM) yang dilaksanakan sejak 5 Februari lalu.

"Bagaimanapun, kerajaan mendapati beberapa syarikat besar yang tidak berminat untuk memohon subsidi dan mahukan harga ayam ditentukan sendiri oleh pasaran," katanya.

Menurutnya, setakat ini, hanya RM50 juta subsidi telah dibayar kepada penternak yang kebanyakannya adalah syarikat kecil.

Mengenai laporan wujud kartel yang mengawal harga dan pengeluaran ayam dalam kalangan syarikat besar, Ismail Sabri berkata, tindakan undang-undang terhadap pihak terbabit akan diambil sekiranya ia benar berlaku.

"Suruhanjaya Persaingan Malaysia (MyCC) sedang menyiasat perkara ini dan siasatan dijangka selesai pada bulan Jun ini. Jika didapati wujud ke-

sepakatan kartel tersebut, kerajaan akan mengambil tindakan undang-undang terhadap mereka," katanya.

Tambah Ismail Sabri, peranan dan penglibatan orang tengah yang selama ini memanipulasi bekalan dan harga juga akan dikurangkan.

"Kerajaan akan memperkenalkan semula jihat memerangi orang tengah yang telah saya perkenalkan pada tahun 2014 dan Pertubuhan Peladang Kebangsaan (NAFAS) diberikan peranan untuk mengetuainya," ujarnya.

Menurutnya, syarikat berkaitan kerajaan (GLC), agensi kerajaan, Pertubuhan Peladang dan koperasi digesa turut terlibat dalam penternakan ayam.

"Kerajaan akan mengkaji bantuan kepada mereka yang terlibat," katanya.

Beliau berkata, langkah tersebut merupakan sebahagian pelan jangka sederhana dan jangka panjang yang akan dirangka MAFI dan Kementerian Perdagangan Dalam Negeri dan Hal Ehwal Pengguna (KPDNHEP).

Tanggguh, kurangkan sementara beli ayam

Alternatif bagi memastikan keadaan kembali stabil

Oleh MUHAMMAD AMAN HIBRAHIM

SHAH ALAM

Persatuan pengguna meminta rakyat Malaysia agar membuat pilihan bijak termasuk menangguhkan sementara pembelian ayam sebagai langkah untuk menanganai isu kenaikan harga ayam ekoran daripada kekurangan bekalan bahan makanan tersebut di dalam negara.

Ketua Aktivist Persatuan Pengguna Islam Malaysia (PPIM), Datuk Nazlim Johan berkata, pengguna harus sedar bahawa isu peningkatan harga itu bukan kali pertama berlaku kerana ia dilihat sebagai satu rutin terutamanya setiap kali tiba musim perayaan.

"Pengguna kena didik diri yang pertama beli barang bila perlu, kalau tidak jangan beli atau kalau perlu tangguh kita tangguh.

Yang pentingnya tindakan tangguh itu sebab kalau kita tidak buat sesuatu, harga barang ini akan naik.

"Dia dah berpuhul tahun tiap kali musim raya, raya haji, masa itu juga nak naik. Musim hujan dan musim kemarau mesti nak naik. Ada sahaja sebab nak naikkan harga," katanya ketika dihubungi *Sinar Harian* pada Isnin.

Dalam pada itu, Persatuan Pengguna



Penjual ayam, Mohamad Nasir Abdul Kalam menyusun beberapa ekor ayam di geraiinya di Pasar Awam Chowrasta, Georgetown, Pulau Pinang berikutan kekurangan ayam akhir-akhir ini.



MADZINI



SARAVANAN

Pulau Pinang (CAP) turut bersetuju agar masyarakat mengurangkan sedikit keberuntungan terhadap daging ayam buat sementara waktu dengan memilih

sumber protein alternatif lain yang berda di pasaran.

"Mungkin buat sementara waktu ini kita boleh dapatkan makanan untuk keluarga daripada sumber protein lain seperti sayuran, kekacang dan termasuk ikan," katanya.

Pada masa sama, CAP turut mengesakan kerajaan agar mengambil langkah proaktif untuk menanganai masalah kekurangan bekalan ayam itu kerana bahan makanan itu adalah antara sumber makanan mampu milik pengguna di Malaysia berbanding daging lembu dan kambing.

Sementara itu, Ketua Pegawai Eksekutif Gabungan Persatuan-Persatuan Pengguna Malaysia (FOMCA), Dr Saravanan Thambirajah berkata, untuk menanganai isu tersebut, pengguna seharusnya melakukan pembelian sekadar mencukupi bagi keperluan keluarga.

Katanya, pengguna juga perlu lebih peka terhadap kemungkinan berlakunya peningkatan harga makanan akibat kekurangan bekalan dan mengelakkan pembelian panik.

"Belilah hanya mencukupi untuk keluarga anda. Jangan banyak sangat. Selain itu, kepada peniaga pula, kalau boleh kurangkan pembaziran dalam pengeluaran produk mereka.

"Ini bagi mengelakkan berlakunya gangguan teruk terhadap penawaran di pasar. Jadi masyarakat umum contohnya kumpulan B40 boleh dapatkan ayam pada harga berpatutan untuk makanan sehari-hari mereka," ujarnya.

REAKSI



Kerajaan tidak patut tunduk dengan tekanan yang diberikan. Ini kerana kita mempunyai aka tersendiri dalam mengawal harga pembekal mahupun barang akhir terhadap pengguna. Saya lihat kerajaan perlulah bersikap tegas agar kumpulan ini tidak sewenang-wenangnya menekan rakyat dengan harga yang begitu tinggi. - Pengguna, Mohd Nazirul Hisham, 33.



Pihak kerajaan dan pengguna tidak perlu tunduk kepada tekanan ini kerana kita sudah cukup terbeban dengan kenaikan harga barang asas yang lain. Selain daripada itu, jika wujudnya boikot daripada pengguna, pembekal ayam juga mempunyai potensi mengalami kerugian. - Pengguna, Noor Syahida Md Sofian, 33.



Kerajaan seharusnya berpegang dalam menjalankan pemantauan bekalan dan harga terhadap peladang. Kerajaan dan pengguna tidak perlu tunduk terhadap komplot ini kerana yang menentukan permintaan terhadap ayam ialah pengguna. Kita boleh pelbagaikan alternatif lain dalam penyediaan menu makanan selain ayam. - Pengguna, Lizzar Amira Nasir Putra, 32.



Tindakan boikot adalah tindakan yang tidak wajar. Ia langung tidak memberikan sebarang keuntungan kepada kedua-dua pihak. Malah, ia juga akan mengganggu kelangsungan ekonomi asas negara. - Pengguna, Muhammad Shabbudin Ali Wong, 32.



Sebagai pengguna, kita tidak perlu tunduk kepada tekanan yang dibuat oleh peladang kerana kita juga ada hak sendiri. Isu kekurangan bekalan ayam ini telah berlaku sejak Oktober 2021 lagi, adakah dengan kenaikan harga siling ini dapat menjamin jumlah pengeluaran ayam mencapai kadar keperluan negara? Mungkin pihak peladang boleh memikirkan cara untuk menghasilkai daging ayam sendiri di samping subsidi sedia ada bagi mengurangkan kos operasi. - Pengguna, Hamidah Sahbarou, 30.

HARGA SEMASA MAKANAN

Senarai makanan	Harga runcit (RM/kilogram)
• Ayam standard	• RM8.90
• Ayam super	• RM9.90
• Ikan selang (berat antara lapan ekor hingga 12 ekor setiap kilogram)	• RM12
• Ikan aya/tongkol (berat antara satu ekor hingga dua ekor setiap kilogram)	• RM14
• Ikan demudok/ sagai/ cermin/ cupak (Sabah sahaja)	• RM15
• Ikan kembung termasuk ikan mabung (berat antara lapan ekor hingga 12 ekor setiap kilogram)	• RM20
• Daging kerbau import (Harga maksimum di Semenanjung, Sabah dan Labuan sahaja)	• RM20
• Daging lembu tempatan (kecuali bahagian batang pinang)	• RM39
• Daging lembu import (Harga maksimum di Sarawak sahaja)	• RM42

Kerajaan beri amaran batal lesen, kuat kuasa akta bekalan makanan

Eksport ayam dihentikan

Oleh MAISARAH SHEIKH RAHIM dan JUANI MUNIR ABU BAKAR
utusannews@mediamula.com.my

PETALING JAYA: Kerajaan mengambil langkah drastik bagi mengatasi isu bekalan ayam dan kenaikan harga barang dengan menghentikan eksport ayam sebanyak 3.6 juta ekor sebulan ber-

mula 1 Jun ini.

Ketika ini Malaysia mengeksport 3.6 juta ekor ayam sebulan dan ketetapan itu sehingga harga dan pengeluaran ternakan itu kembali stabil.

Perdana Menteri, Datuk Seri Ismail Sabri Yaakob berkata, itu merupakan antara langkah jangka pendek yang diambil kerajaan

yang diputuskan dalam mesyuarat Kabinet semalam.

"Saya ingin menegaskan bahawa kerajaan tidak akan berkompromi dengan mana-mana pihak yang cuba menjejaskan kehidupan rakyat," katanya.

Mesyuarat yang sepatutnya berlangsung pada setiap Rabu telah dipercepatkan berikutan

gangguan bekalan dan kenaikan harga ayam serta kos sara hidup di seluruh negara.

Selain itu, kerajaan mewujudkan stok penimbun ayam dan mengoptimalkan fasiliti penyimpanan blik sejuk sedia ada milik Kementerian Pertanian dan Industri Makanan (MAFI) dan agensi.

"Kerajaan juga mempermudahkan proses tuntutan subsidi oleh pengeluar ayam dan menambah dan mengiktiraf loji sembelihan di luar negara bagi meningkatkan pengeluaran bekalan ayam," katanya semalam.

Bersambung di muka 3

Eksport ayam dihentikan

Dari muka 1

Sebelum ini, kerajaan memansuhkan Approved Permit (AP) ayam termasuk ayam bulat dan keratan ayam bertujuan meningkatkan peluang penglibatan pengimport untuk menyediakan lebih banyak sumber bekalan.

Perdana Menteri sebelum ini memberi amaran akan menghapuskan lebih banyak AP bahan makanan bagi meningkatkan bekalan dan menstabilkan harga barangan.

Ismail Sabri semalam menyatakan rasa kesal terhadap tindakan beberapa buah syarikat yang menghentikan bekalan ayam sehingga menyebabkan berlakunya peningkatan harga dan kekurangan bekalan di pasaran.

"Ketika ini, Kerajaan telah menetapkan harga siling ayam standard pada harga RM8.90 seekor dengan pemberian subsidi sebanyak RM729.43 juta di bawah Skim Kawalan Harga Keluarga Malaysia (SKHKM) yang dilaksanakan sejak 5 Februari lalu.

"Bagaimanapun, pihak Kerajaan mendapati beberapa syarikat besar yang tidak berminat untuk memohon subsidi dan mahukan Kerajaan membiarkan harga ayam ditentukan sendiri oleh pasaran.

"Setakat ini, hanya RM50 juta subsidi telah dibayar kepada penternak yang kebanyakannya adalah syarikat kecil," katanya.

Beliau berkata, Suruhanjaya Persaingan Malaysia (MyCC) sedang menyiasat pembabit-

kartel dalam isu ayam dan siasatan dijangka selesai pada bulan Jun ini.

"Jika didapati wujud kesepakatan kartel tersebut, Kerajaan akan mengambil tindakan undang-undang terhadap mereka," tegas beliau.

Perdana Menteri memberi amaran akan memerangi orang tengah yang selama ini memanipulasi bekalan dan harga.

"Kerajaan akan memperkenankan semula Jihad memerangi orang tengah yang telah saya perkenalkan pada tahun 2014. Pertubuhan Peladang Kebangsaan (NAFAS) diberikan peranan untuk mengetuai Jihad Memerangi Orang Tengah ini," katanya.

Mesyuarat Kabinet semalam juga membincangkan mengenai penanaman jagung seba-

gai menjadi alternatif kepada makanan ayam, pembabitkan kerajaan negeri, agensi kerajaan dan Syarikat Berkaitan Kerajaan (GLC) untuk menyediakan tanah Lesen Kependudukan Sementara (TOL) bagi menternak ayam

Peguam Negara turut serta dalam Mesyuarat Kabinet semalam dan telah menasihatkan Kabinet untuk menguatkuasakan Akta Kawalan Bekalan 1961 (Akta 122) bagi menangani aktiviti menyorok, menyimpan atau unsur-unsur sabotaj terhadap bekalan ayam termasuk membatalkan lesen serta merta.

Kabinet semalam juga bersetuju supaya AP gandum dibatalkan dan semua kementerian diminta menyenaraikan AP bagi barangan lain yang boleh dimansuhkan.

Selesaikan dulu masalah penternak

Oleh ARIF AIMAN ASROL
utusannews@mediamalaysia.com.my

PETALING JAYA: Masalah yang dihadapi oleh penternak yang membawa kepada situasi kekurangan bekalan ayam ketika ini perlu diselesaikan dahulu sebelum memberikan tanggungjawab kepada syarikat berkaitan kerajaan (GLC) seperti Felda, Sime Darby atau Nafas.

Bercakap kepada *Utusan Malaysia*, Presiden Lembaga Perlindungan dan Kebajikan Pengguna Malaysia (LPKPM), Dr. Lee Nan Sang berkata, para

penternak tidak akan melakukan 'mogok' dengan sewenang-wenang tanpa alasan kukuh.

"Mesti ada sesuatu yang belum atau tidak diselesaikan antara penternak dengan pihak pemborong atau peniaga ayam. Kementerian Perdagangan Dalam Negeri dan Hal Ehwal Pengguna (KPDNHEP) perlu mengkaji sedalam-dalamnya," katanya ketika dihubungi.

Hujung minggu lalu, kartel industri ternakan ayam menutup ladang ternakan mereka sebagai protes kepada kerajaan yang dikatakan lambat melaku-

kan bayaran subsidi harga ayam sebanyak 60 sen.

Malah, turut dipercayai komplot syarikat-syarikat peladang menutup ladang mereka sehingga menjejaskan bekalan ayam mentah di pasaran adalah cubaan pertama kumpulan 'tangan hitam' itu menuntut harga siling dinaikkan kepada RM9.90 sekilogram kerana harga semasa tidak lagi relevan susulan peningkatan kos yang drastik.

Nan Sang berkata, tiada halangan untuk GLC masuk ke pasaran bagi sama-sama menyelesaikan bekalan ayam sebe-

lum ia bertambah buruk tetapi isu utama harus diselesaikan.

Sementara itu, Yang Dipertua Persatuan Keselamatan Pengguna Kuala Lumpur (PKPKL), Samsudin Mohamad Fauzi mencadangkan penubuhan suruhanjaya berkaitan bekalan makanan.

Jelasnya, bidang kuasa mengenai bekalan makanan pada masa kini 'terpecah' di mana pelbagai isu melibatkan bekalan makanan asas masyarakat terbahagi kepada pelbagai jabatan hingga mewujudkan tidak keselarian, jadi ia perlu

diselaraskan semula.

"Punca kuasa sekarang duduk pecah-pecah, isu halal di bawah Jabatan Kemajuan Islam Malaysia (Jakim), isu import eksport di bawah Jabatan Kastam Diraja Malaysia (JKDM), isu tentang bekalan pula duduk dengan KPDNHEP.

"Perkara-perkara ini perlu diletakkan di bawah satu 'payung' yang dinamakan sebagai suruhanjaya isu makanan kerana apabila wujudnya badan itu maka akan wujud satu akta khas untuk melindungi pengguna," katanya.

Tanaman jagung bijirin perlu skala besar

SEREMBAN: Isu kekurangan bekalan ayam serta kenaikan harganya tidak dapat dinafikan adalah berkaitan dengan masalah melonjaknya harga dedak yang terpaksa ditanggung penternak.

Kebergantungan yang boleh dianggap 100 peratus terhadap jagung bijirin import perlu diatasi dengan negara mengeluarkan sendiri jagung bijirin tersebut.

Namun, seorang penanam jagung bijirin dari Kampung Gedang, Terachi, Kuala Pilah, Supardi Bai, 55, berkata, jika Malaysia mahu menanam tanaman tersebut, ia perlu dilakukan dalam skala yang sangat besar.

Katanya, ini bagi memastikan matlamat akhir iaitu negara tidak lagi bergantung dengan

jagung bijirin import dan makanan ternakan dapat dijual pada harga rendah tercapai.


Jelasnya, bagi menampung keperluan makanan 2.1 juta ekor ayam sehari, tanaman jagung bijirin perlu ditanam seluas 80,000 hektar.

"Kalau kita tanam dalam skala yang kecil, banyak kerja perlu dilakukan secara manual. Ia akan menyebabkan produktiviti yang rendah dan kos buruh pula tinggi," katanya lagi ketika dihubungi *Utusan Malaysia* di sini semalam.

Dia melihat kerjasama di antara kerajaan negeri Selangor dan Negeri Sembilan bagi mengusahakan tanaman jagung bijirin di tanah seluas 162 hektar tanah di Gemas, Tampin sebagai satu usaha yang sangat baik.



SUPARDI Bai menunjukkan hasil tanaman jagung bijirin yang diusahakannya di Kampung Gedang, Terachi, Kuala Pilah. - UTUSAN/ MOHD SHAJEHAN MAAMIN



KILANG memproses ayam milik Pertubuhan Peladang Kebangsaan (Nafas) mempunyai kemudahan yang lengkap tetapi kini hanya membekalkan ayam untuk agensi kerajaan.

Lima juta ayam sebulan - Nafas

PETALING JAYA: Pertubuhan Peladang Kebangsaan (Nafas) memberi jaminan menghasilkan lima juta ekor ayam untuk dipasarkan di seluruh negara dalam tempoh dua atau tiga bulan dari sekarang sekiranya kerajaan memberikan geran berjumlah sehingga RM400 juta kepada agensi itu.

Bercakap kepada *Utusan Malaysia*, Pengerusi Jemaah Pengarahnya, Datuk Zamri Yaakob berkata, Nafas perlu diberi peluang memainkan peranan berhubung isu bekalan ayam berikutan kenaikan harga ayam yang meningkat di pasaran berpunca daripada kekurangan bekalan.

"Ternak ayam memang bidang kita apabila kita ada kilang proses ayam di utara, selatan dan kilang makanan ayam serta ada vendor ternak ayam di bawah kita. Kita juga ada 227 pertubuhan peladang kawasan (PPK) seluruh negara

dan 14 pertubuhan peladang negeri (PPN) dengan satu juta keahlian yang mudah untuk kita bekerjasama.

"Sekarang pun kita ada keluaran ayam, tetapi bekalkan ayam kepada agensi (kerajaan) seperti hospital, jabatan penjara dan Kementerian Pertahanan yang berjumlah sehingga RM40 juta setahun. Maknanya kita dah ada kelengkapan tetapi kena tambah fasiliti kalau mahu bekalkan (ayam) ke seluruh negara.

"Kalau nak keluar sendiri (Nafas) tak mampu sebab kos tinggi. Ternak ayam (perlu modal sehingga) RM50 bagi seekor, jadi kalau keluar satu juta ekor sebulan perlukan RM50 juta," katanya ketika dihubungi, semalam.

Mengulas lanjut, Zamri berkata, walaupun lima juta ekor itu tidak dapat memenuhi permintaan sebenar rakyat tetapi angka itu pasti memban-

tu mengurangkan kebergantungan kepada syarikat swasta.

"Negara masih perlu syarikat swasta yang lain, namun kena ingat mereka cari untung dan ambil kesempatan tetapi harga ayam Nafas tetap bergantung kepada pasaran sebab bergantung kepada pasaran ayam kita import," ujarnya.

Zamri memaklumkan, Nafas juga sedang memperhalusi untuk menanam jagung di negara ini untuk mengelakkan daripada terus bergantung kepada pasaran import.

"Nafas sedang mengenal pasti tanah untuk memulakan projek penanaman bagi makanan ayam itu, dan mungkin berunding dengan mana-mana kerajaan negeri.

"Tanaman jagung perlu ditanam di kawasan sesuai. Jadi misal di Kelantan, Kedah atau kawasan tanah terbiar yang mungkin boleh tanam jagung, jadi memudahkannya," jelasnya.

TARIKH

24.5.2022

MEDIA

HARIAN METRO

RUANGAN

LOKAL

MUKA SURAT

MD, 2,3 & 4



Pemain industri usah 'main' harga tambah beban rakyat

Kuala Terengganu: Para pemain industri ternakan ayam di negara ini diingatkan supaya tidak meneruskan 'percuturan dan permainan' harga melalui pengurangan bekalan ayam di pasaran dengan pelbagai alasan kerana tindakan itu sa-

ngat membebankan rakyat ketika ini.

Timbalan Menteri Pertanian dan Industri Makanan II Datuk Dr Nik Muhammad Zawawi Salleh berkata, masalah kekurangan bekalan ayam di pasaran ketika ini tidak sepatutnya berlaku ke-

rana pada asasnya, bekalan untuk pasaran tempatan adalah sangat mencukupi.

"Bila dikatakan berlaku bekalan ayam tidak mencukupi, ini bermaksud ada benda-benda tak betul yang wujud..."

"Tidak dinafikan memang

ada penyakit ayam dan beritanya tidak sesuai untuk dijual, namun situasi itu sentiasa berlaku sepanjang masa," katanya ketika ditemui, di sini, semalam.

Di samping itu, menurut beliau, pihaknya juga sedang bekerjasama dengan Ke-

menterian Perdagangan Dalam Negeri dan Hal Ehwal Pengguna (KPDNHEP) untuk meneliti mengapa perkara itu berlaku dan berharap pemain dalam industri ayam di negara ini dapat bersama-sama kerajaan membantu rakyat.

"Katakan contoh sebelum ini untung untuk seekor ayam ialah RM2, apa salahnya dalam situasi sukar ini mereka ambil untung RM1 namun konsisten untuk ternak ayam secara berpanjangan dan jangan ada percuturan harga," katanya.



BEKALAN ayam mentah sukar diperolehi menyebabkan rata-rata peniaga menjual ayam pada harga sekitar RM11 hingga RM13 sekilogram ketika tinjauan di Pasar Chahang Tiga, Kuala Terengganu.

Oleh Ahmad Hasbi
am@hmetro.com.my

Seremban

Sejak isu kekurangan bekalan ayam daging segar berlaku di negara ini, terdapat segelintir kakitangan pasar raya yang dikesan mengambil tempahan daripada pelanggan tanpa pengetahuan majikan.

Difahamkan ia cara mudah dilakukan pelanggan terutama membabitkan peniaga premis makanan dengan menggunakan 'orang dalam' bagi mendapatkan bekalan ayam tanpa perlu berbaris panjang pada awal pagi.

Seorang pekerja pasar raya yang enggan dikenali berkata, kakitangan terbabit mendapat 'duit tepi' daripada pelanggan berkenaan selain ada juga kakitangan pasar raya melakukannya secara percuma atas dasar setia kawan.

Menurutnya, perbuatan itu dirasakan tidak adil ke-

KEKURANGAN BEKALAN AYAM

Guna 'kabel' buat tempahan

Segelintir kakitangan pasar raya jual ayam kepada pelanggan tanpa pengetahuan majikan

pada pembeli lain yang terpaksa berbaris pada awal pagi bagi mendapatkan ayam.

"Apa yang membuatkan saya tidak berpuas hati adalah kakitangan ini menyimpan ayam berkenaan untuk dikhaskan kepada pelanggan 'istimewa' sedangkan itu bukan polisi pasar raya.

"Orang lain terpaksa beratur panjang untuk membeli ayam, namun pelanggan ini boleh datang pada waktu tengah hari dan ada ayam yang sudah tersedia

untuknya. Ada pelanggan yang datang lebih lambat berjaya membeli ayam 'soro'," katanya.

Menurutnya, keadaan ini mencetuskan ketegangan antara pelanggan.

Sementara itu, Pengerusi Jawatankuasa Bertindak Kesihatan, Alam Sekitar, Kooperasi dan Kepenggunaan Negeri S. Veerapan berkata, pemantauan pihaknya mendapati bekalan ayam yang sampai tidak memenuhi permintaan peniaga.

Katanya, pembekal ayam

standard di pasar raya sekitar negeri ini dikesan hanya mampu membekalkan 20 peratus daripada kebiasaan bekalan dihantar.

"Terdapat pasar raya yang langsung tidak mempunyai stok bekalan ayam standard iaitu satu dikesan di Kuala Pilah dan dua pasar raya di Seremban.

"Manakala pasar basah atau awam pula, Pasar Awam Kuala Klawang dikesan tidak mempunyai bekalan ayam," katanya semalam.



KEBANYAKAN peniaga hanya mendapat kurang separuh tempahan ayam dari pembekal di Pasar Awam Larkin.

Bekalan bahan makanan mencukupi

Kulai: Meskipun timbul rungutan dan aduan berhubung bekalan makanan di pasaran negeri ini terutamanya ayam berkurangan, bekalan bahan makanan itu dilaporkan masih di tahap mencukupi dan terkawal.

Pengerusi Jawatankuasa Pelaburan, Perdagangan dan Hal Ehwal Pengguna negeri, Lee Ting Han berkata, tidak dinafikan Kementerian Perdagangan Dalam Negeri dan Hal Ehwal Pengguna (KPDNHEP) negeri menerima aduan berhubung kekurangan bekalan makanan terutamanya di kawasan luar bandar memandangkan permintaan tinggi sepanjang musim perayaan.

Katanya, sehubungan itu pemantauan secara harian dilakukan kira-kira 200 pegawai dan anggota KPDNHEP di seluruh negeri untuk memastikan isu kekurangan bekalan tidak berlanjutan.

"Setakat ini, KPDNHEP masih membuat pemantauan dengan 200 pemeriksa ditugaskan secara harian dan setakat ini bekalan di pasaran dikira mencukupi.

"Kita ada terima aduan di sesetengah tempat terutamanya di kawasan luar bandar menghadapi sedikit masalah dari segi bekalan sebab permintaan berkali ganda sempena musim perayaan," katanya ketika sidang media, semalam.



Bagi pihak kerajaan negeri kita memang ada program untuk menambah bekalan di negeri Johor"

Ting Han

Ting Han berkata, tindakan kerajaan negeri akan dibuat bergantung kepada keputusan mesyuarat khas Kabinet yang membincangkan penyelesaian jangka masa pendek kepada permasalahan kekurangan keperluan bekalan makanan.

Di samping itu, menurutnya, di peringkat kerajaan negeri, kerjasama dengan Kementerian Pertanian dan Industri Makanan (MAFI) akan dilakukan sebagai jalan penyelesaian jangka masa panjang selain meneruskan pelbagai program jaminan makanan dalam usaha menambah bekalan makanan di negeri ini.

"Bagi pihak kerajaan negeri kita memang ada program untuk menambah bekalan di negeri Johor.

"Kerajaan akan membantu dari segi insentif, polisi untuk petani dan peladang supaya kita dapat meningkatkan bekalan sebagai satu penyelesaian jangka masa panjang," katanya.

Dakwa ada ternakan sakit di ladang

Shah Alam: Permintaan tinggi terhadap bekalan ayam ketika musim perayaan yang berlaku serentak dengan peningkatan harga makanan bahan mentah antara punca bekalan sumber protein itu terjejas di Selangor.

Pengerusi Jawatankuasa Tetap Infrastruktur, Kemudahan Awam, Pemodenan Pertanian dan Industri Asas Tani negeri Izham Hashim

berkata, selain daripada dua punca itu, beliau difahamkan jangkitan penyakit ayam yang berlaku di peringkat ladang juga menjadi penyumbang kepada pengurangan bekalan itu namun pihaknya belum menerima laporan rasmi berhubung perkara itu.

"Susulan itu satu mesyuarat khas membabitkan jabatan dan agensi terlibat di bawah Jawatankuasa Pemo-

denan Pertanian dan Industri Asas negeri akan dijalankan. Dijangka kami akan dapat hasil mesyuarat itu kelak," katanya.

Izham berkata, pihaknya juga sudah meminta Jabatan Perkhidmatan Veterinar (DVS) negeri untuk menghubungi semua pembekal dan penternak ayam di Selangor untuk memeriksa status terkini bahan. Sementara itu Izham ber-

kata pihaknya juga sedang menyiasat sama ada Selangor sedang menghadapi masalah bekalan ayam import dari Thailand dan China yang keberuntungan sekitar 60 peratus.

"Bekalan ayam di Selangor sebelum ini memang tidak mencukupi, memang kami import. Hanya 35 hingga 40 peratus ayam tempatan yang selebihnya memang import," katanya.



SEORANG peniaga menyiapkan ayam yang dipesan oleh restoran di Pasar Datuk Keramat, Kuala Lumpur. - Gambar NSTP/FATHIL ASRI

Oleh Suraya Roslan
suraya@hmetro.com.my

Kuala Lumpur

Rata-rata pengusaha restoran terpaksa menaikkan harga makanan berasaskan ayam berikutan menerima bekalan ternakan itu dengan harga tinggi.

Peniaga turut memutuskan kenaikan harga makanan antara 50 sen hingga RM1 untuk setiap menu berasaskan ayam.

Bagi pemilik restoran di Puncak Jalil, Selangor ini yang mahu dikenali sebagai Aiman, 39, setakat ini dia menerima bekalan dari kilang penyembelihan ayam di Puchong.

"Jika saya ambil dari pembekal, bekalan sangat terhad dan tidak boleh membekalkan 80 ayam sehari untuk kedai.

"Nasib baik saya dapat bekalan dari kilang penyembelihan ini walaupun harga RM9.30 sekilogram," katanya ketika dihubungi, semalam.

Menurutnya, dia tiada pilihan selain menaikkan har-

KEKURANGAN BEKALAN AYAM

Harga makanan naik RM1



Ini disebabkan jumlah ayam yang kami dapat daripada pembekal hanya 50 ekor sahaja berbanding sebelum ini lebih 200 ayam sehari"

Mastura

ga makanan untuk menampung kehidupan.

"Jika dahulu nasi ayam dijual dengan harga RM7.50 sebungkus, saya terpaksa menaikkan harga kepada

RM8 sekarang.

"Begitu juga dengan menu lain yang menggunakan ayam, nasib baik rata-rata pelanggan faham dengan tindakan ini," katanya.

Pengusaha restoran di Bandar Tasik Permaisuri, Cheras, Mastura Jamil, 40, berkata, disebabkan masalah bekalan ayam yang terhad, dia juga terpaksa mengurangkan kuantiti jualan sejak beberapa hari lalu.

Katanya, jika sebelum ini, dia dapat menjual nasi ayam sebanyak 1,000 bungkus sehari, namun sejak beberapa hari lalu hanya dapat menjual kira-kira 500 bungkus sahaja.

"Ini disebabkan jumlah ayam yang kami dapat daripada pembekal hanya 50 ekor sahaja berbanding sebelum ini lebih 200 ayam sehari.

"Selain bekalan kurang, harga ayam juga naik dengan mendadak menyebabkan kami sebagai peniaga kedai makan terpaksa menaikkan harga jualan nasi demi kelangsungan hidup," katanya yang menjual nasi ayam.

Sementara itu, peniaga restoran di Jalan Pantai Baharu, Ali Syed Mohd, 54, mengakui setakat ini bekalan ayam diterima untuk kedai makannya masih ada, namun bekalan makin sukar diperolehi.

"Perkara ini memang merunsingkan kami sebagai peniaga restoran kerana ayam menjadi antara menu utama pilihan pelanggan.

"Sukar untuk kami berniaga tanpa bekalan ayam yang mencukupi. Jika berlaku perbezaan harga yang ketara, sukar untuk kami mengekalkan harga jualan sedia ada dan kemungkinan akan menaikkan harga jika tiada pilihan lain," katanya.

Stok ikan, ayam di pasar basah terhad

Siti: Bekalan ikan dan ayam di pasar basah di daerah ini sangat terhad menyebabkan peniaga sukar untuk menampung permintaan tinggi daripada pelanggan.

Tinjauan mendapati peniaga terpaksa berpuas hati dengan hanya mendapat separuh bekalan ayam yang ditempah, manakala bagi ikan mereka sudah menghadapi situasi itu sejak dua bulan lalu berikutan nelayan tidak dapat turun ke laut.

Peniaga ayam, Salehuddin Ibrahim, 40, berkata dia tidak mampu memenuhi permintaan pelanggan selepas bekalan ayam yang diperolehi daripada pemborong juga terhad.

"Seminggu sebelum Aidilfitri, permintaan ayam sangat tinggi tapi saya tidak dapat bekalan yang mencukupi. Hari ini contohnya, saya tempah 200 ekor ayam tapi yang saya dapat cuma 100 sahaja.

"Harga ayam pula semakin tinggi, hari ini saya terpaksa jual dengan harga RM10 sekilogram ayam naik 10 sen berbanding semalam. Saya tidak boleh jual pada harga rendah daripada RM10 kerana tidak

ada untung," katanya.

Sallehuddin berkata sepanjang 15 tahun berniaga, ini adalah kali pertama dia terpaksa menghadapi situasi bekalan terhad sehingga peniaga perlu bekerjasama untuk mendapatkan bekalan.

"Saya ambil ayam daripada pemborong di Sungai Petani, ayam masih ada kerana kita ada ramai penternak di Kedah dan Pulau Pinang, cuma bekalan kurang, apa pun saya masih bersyukur kerana masih dapat berniaga setiap hari," katanya.

Manakala peniaga ikan, Abdul Ghani Mat Piah, 65, berkata harga ikan kembung pernah mececah sehingga RM20 sekilogram berikutan bekalan ikan itu sangat berkurangan.

Katanya, harga ikan itu tidak pernah turun daripada RM10 walaupun ikan kembung bersaiz kecil.

"Hari ini saya jual ikan kembung saiz kecil dengan harga RM12 sekilogram dan saya cuma dapat 20 kilogram kerana bekalan terhad sejak dua bulan lalu, manakala bekalan ikan selang yang pula saya ambil daripada ikan sejuk beku," katanya.

Rumah terbuka faktor ayam habis

Melaka: Bukan sahaja kekurangan bekalan dari ladang, malah penganjuran rumah terbuka didakwa antara faktor bekalan ayam di pasaran berkurangan.

Tinjauan dilakukan di Pasar Besar Majlis Bandaraya Melaka Bersejarah (MBMB) di Bachang mendapati masih terdapat bekalan ayam dijual dan pembeli tidak pulang dengan tangan kosong.

Namun, situasi berlainan di beberapa pasar raya apabila hanya membenarkan setiap keluarga membeli tiga ekor ayam sahaja.

Bagi peniaga ayam, Amin Maarop, 56, berkata, kekurangan bekalan ayam sudah dikesan berlaku sebelum sambutan Aidilfitri lalu namun tidak jangka berterusan sehingga hari ini.

Katanya, kelmarin kebanyakan peniaga terpaksa menamatkan operasi perniagaan lebih awal apabila bekalan ayam habis terjual

dalam tempoh singkat.

"Seminggu sebelum raya sebenarnya sudah kurang dan kini kekurangan itu dijangka hampir 50 peratus, jumlah yang kita dapat dari pembekal agak membimbangkan.

"Semalam habis awal, mungkin juga disebabkan ramai mengadakan rumah terbuka. Jika pelanggan mahukan dalam bilangan sedikit kita jual kerana apabila berlaku begini kita akan utamakan pelanggan tetap seperti peniaga," katanya ketika ditemui.

Dia yang sudah 35 tahun berniaga berkata, langsung tidak dijangka akan berdepan kekurangan bekalan ayam di pasaran kerana tidak pernah berlaku sebelum ini.

"Apabila berlaku seperti ini semua pihak yang terbahit termasuk kerajaan dan peladang perlu mengambil pendekatan sekiranya betul berlaku kenaikan harga dedak jadi perlu ikut," katanya.

Putrajaya

Syarikat dan pemilik ladang ayam memberi jaminan akan terus membekalkan bahan mentah itu untuk keperluan pasaran tempatan, khususnya ayam diproses sama ada dalam bentuk ayam bulat, *super*, *standard* dan potongan ayam.

Kementerian Pertanian dan Industri Makanan (Mafi) berkata, pemeriksaan dilakukan petugas Jabatan Perkhidmatan Veteriner (DVS) mendapati kebanyakan ladang ayam bersedia membekalkan bahan mentah itu kepada pengguna.

Menurutnya, walau bagaimanapun tidak dinafikan ada dalam kalangan ladang ayam menghadapi masalah untuk membekalkan ayam diperlukan di pasaran.

La berikutan masalah kenaikan berat badan ayam yang terganggu akibat kualiti dedak makanan ayam, jangkitan penyakit, keadaan cuaca panas yang melampau sehingga mengganggu pembesaran ayam terutama di ladang reban sistem terbuka.

Jamin terus pembekalan



PELANGGAN memilih potongan ayam yang dijual di sebuah gerai ayam segar di Pasar Besar Seremban.

Katanya, masalah ini memberikan kesan kepada bekalan ayam di pasaran dan di kawasan tertentu.

"Kementerian juga ingin

menjelaskan bahawa proses penilaian pemberian subsidi ayam melalui DVS kepada penternak yang mengemukakan permohonan sedang

disegerakan," katanya.

Kenyataan dikeluarkan Mafi ini susulan dari laporan sebuah akhbar yang menyalurkan berhubung isu 'kartel' ayam yang bertindak memberhentikan operasi ladang bermula Sabtu lalu sehingga mengakibatkan berlaku kekurangan bekalan ayam di pasaran.

Menerusi laporan itu alasan yang diberikan adalah ayam yang ternak di ladang belum mencapai berat jualan bersesuaian.

Kenyataan Mafi itu juga menjelaskan, susulan pemeriksaan DVS dan penjelasan dari pihak syarikat ladang ayam yang terbabit serta sesi libat urus yang diadakan mendapati laporan media itu adalah kurang tepat.

Menurutnya, penternak yang memenuhi syarat dan mendapat kelulusan pembayaran akan memperoleh tuntutan dalam tempoh dijanjikan.

Katanya, Mafi akan terus mengadakan perjumpaan dan libat urus dengan semua pihak industri yang terbabit secara langsung dalam rantaian pengeluaran bekalan ayam bagi memastikan kelangsungan dalam pengeluaran bekalan.

"Kementerian memandang serius terhadap isu-isu yang mengancam sekuriti makanan negara dan sentiasa berusaha bersama-sama dengan pihak berkepentingan dalam menstabilkan kembali bekalan bagi menjamin bekalan ayam mencukupi untuk keperluan negara sepanjang masa," katanya.

Kerajaan diminta beri perhatian serius

Kuantan: Kerajaan diminta menyelesaikan segera isu kekurangan bekalan ayam dalam usaha membantu peniaga dan pengguna.

Bagi peniaga, kekurangan bekalan ayam menyebabkan mereka terpaksa sumber pendapatan ketika sepenuhnya kepada bahan mentah itu.

Pada masa sama, pengguna pula tidak mahu isu bekalan ayam itu berlanjutan hingga memberikan kesan kepada kenaikan harga selepas ini.

Peniaga ayam di Pasar Taman Tas, Zakaria Md Nadzir, 52, berkata, isu kekurangan bekalan perlu diselesaikan secepat mungkin.

Menurutnya, kekurangan

bekalan ayam itu memberi kesan terutama menjejaskan sumber pendapatannya ketika permintaan ayam meningkat.

"Seperti minggu lalu, dua hari saya berdepan masalah terputus bekalan ayam. Pada masa sama, tempahan ayam hanya diterima pula hanya dapat separuh.

"Kebiasaannya saya menepah antara 50 hingga 60 ekor tetapi yang diterima hanya sebanyak 30 ekor sahaja.

"Dalam isu ini, saya minta kerajaan mengambil perhatian serius untuk mengatasi masalah bekalan dengan segera," katanya ketika ditemui, semalam.

SIDANG DUN SARAWAK

Bantu penternak kembangkan industri

Kuching: Sarawak tidak menghadapi masalah bekalan ayam berikutan pengeluaran sara diri untuk negeri itu sudah melebihi 100 peratus.

Justeru, **Timbalan Menteri Pemodenan Pertanian dan Pembangunan Wilayah Sarawak, Datuk Dr Abdul Rahman Ismail** berkata, kerajaan negeri kini berusaha membantu penternak untuk terus mengembangkan lagi industri penternakan ayam.

"Usaha itu bagi membolehkan kita mengeksport ayam pula," katanya ketika menjawab soalan **Dayang Noorazah Awang Sohoh (GPS-Lingga)** pada Persidangan Dewan Undangan Negeri (Dun) Sarawak, semalam.

Dalam sesi soal jawab itu, Noorazah bertanya mengenai perancangan memperluaskan industri penternakan ayam, lembu dan kambing secara komersial untuk keperluan tempatan.

Bagaimanapun, Dr Abdul Rahman berkata, pengeluaran daging lembu dan kambing tempatan pula masih

berada di tahap rendah dengan lembu hanya 12 peratus manakala kambing pula 5.5 peratus.

"Sehubungan itu, kerajaan negeri akan memfokuskan kepada pembabitkan sektor swasta dalam pembangunan industri ternakan ruminan iaitu lembu, kambing dan kerbau.

"Untuk tujuan itu, Jabatan Perkhidmatan Veterinar Sarawak mengambil inisiatif kerjasama awam swasta (PPP) untuk menswastakan stesen ternakan.

"Sehingga kini, dua stesen ternakan diswastakan iaitu Stesen Ternakan Temudok di Seri Aman bagi pengeluaran baka kambing berkualiti.

"Stesen Ternakan Karabungan di Miri pula khusus bagi pengeluaran baka lembu berkualiti," katanya.

Menurutnya lagi, Kementerian Pemodenan Pertanian dan Pembangunan Wilayah Sarawak kini merancang untuk menswastakan Stesen Ternakan Meragang di Lawas bagi pengeluaran baka kerbau berkualiti.



PENIAGA menyediakan tempahan dari pelanggan ketika tinjauan bekalan ayam di kedai runcit sekitar Kuala Lumpur berikutan penutupan kilang ayam dengan kebanyakan peniaga diberikan ayam dalam kuantiti kurang daripada biasa untuk jualan harian.

Gambar NSTP/MOHAMAD SHAHRIL BADRI SAALI